

Adaptación ao protocolo sanitario Curso 21-22

Resumo do funcionamento e
normas no IES Val Miñor
durante este ano



Normas básicas

**O USO DE MÁSCARA É
OBRIGATORIO**

**1,5 DE DISTANCIA NAS
INTERACCIÓNS
HABITUAIS**

**DEBEREMOS
DESINFECTAR AS MANS**

Ao entrar ao centro, ao quitar a máscara para comer, ao usar algún material que sexa compartido, etc.

**DEBEREMOS SEGUIR AS
INDICACIÓNS SOBRE A
VENTILACIÓN DOS
ESPAZOS INTERIORES**

O curso cero (programa de acollida)

Curso 0

Este ano, o curso cero, que levamos anos poñendo en práctica, terá como eixes a explicación das normas de organización e funcionamento do centro, da adaptación que faremos do protocolo sanitario e dunha serie de nocións dixitais básicas.

Este último punto será impartido ao alumnado que resulta novo no centro (cursos 1º de ESO e 1º de Bacharelato). Os dous primeiros serán impartidos, nunha sesión dobre, polas persoas titoras de cada grupo, seguindo un horario específico para iso durante os dous primeiros días de clase.

Que facemos ante algún dos síntomas compatibles coa COVID?

Se temos algún dos síntomas respiratorios asociados á COVID (febre maior superior a 37,5^o, tose seca, dificultade respiratoria), non viremos ao centro.

Comunicaremos a situación a algún membro do equipo COVID e chamaremos ao noso centro de saúde para notificar a situación.

No caso de ser contactos estreitos dunha persoa que teña a enfermidade ou que manifeste os síntomas actuaremos con precaución e comunicaremos o que o persoal médico nos indique.

ANEXO I ENQUISA DE AUTOAVALIACIÓN CLÍNICA DO Covid-19

Esta enquisa pretende ser útil para que a comunidade educativa poida identificar síntomas clínicos de sospeita de ter infección por coronavirus. De presentar calquera destes síntomas solicite consulta no seu/súa médico/a ou pediatra.

Presentou nos últimos días?		SI	NON
Síntomas respiratorios	Febre maior de 37,5°C		
	Tose seca		
	Dificultade respiratoria		
Outros síntomas	Fatiga severa (cansazo)		
	Dor muscular		
	Falta de olfacto		
	Falta de gusto		
	Diarrea		

Ten actualmente algún dos síntomas? Sinalar cales e cando comezaron.

		SI	NON
CONVIVIU nos últimos 10 días?	cunha persoa Covid-19 + confirmado?		

ORGANIZACIÓN DO CENTRO





Reorganizamos as aulas para que poidamos manter a distancia de seguridade establecida no novo protocolo sanitario.

Facendo uso do persoal co que contamos, e tendo como obxectivo esencial a redución da ratio na aula, botamos man de desdobres. Cando iso non foi suficiente, botamos man de mamparas de protección que evitan puntualmente a necesidade de manter a distancia de 1,2 metros entre postos escolares. Seguimos mantendo toda a optatividade que ofertabamos.



Entrada ao centro

Haberá dúas entradas ao centro dispoñibles para todo o persoal e alumnado:

- O portalón de entrada ao que accede o alumnado que chega en autobús
 - O acceso peonil da rúa Paradellas (neste caso non accederán directamente pola porta principal, senón que pasarán polo campo de bolos celtas e pasarán ao patio cuberto, onde se unirán ao carril de entrada)

O alumnado seguirá un carril establecido, gardando a distancia, e accederá ao interior en canto chegue. Subirá á súa aula, logo de facer a desinfección de mans con verificación do persoal do centro. O centro poderá tomar a temperatura ao alumnado na entrada.



Declaración responsable

As familias deberán asinar unha declaración responsable, que poden descargar na páxina mencionada ao comezo, e que se dará tamén ao alumnado que corresponda, segundo a que se comprometen a facer a autoenquisa que o protocolo establece. O coñecemento da mesma a través das canles de comunicación oficiais terá o mesmo efecto.

DECLARACIÓN RESPONSABLE

D./D^a _____, con DNI
número _____, como pai/nai/titor legal do alumno/a
_____, matriculado no curso
_____, do centro educativo _____

DECLARA RESPONSABLEMENTE QUE COÑECE O

PROTOCOLO DE ADAPTACIÓN AO CONTEXTO DA COVID-19 NOS CENTROS de
ensino non universitario DE GALICIA PARA O CURSO 2021-2022

e que, polo tanto coñece a necesidade de obriga de realizar diariamente a enquisa de autoavaliación da Covid-19 ao alumno/a e a obriga de NON enviálo/a ao centro e contactar cos servizos sanitarios e seguir as súas indicacións en caso presentar cando menos un síntomas previstos. De igual xeito coñece a obriga de seguir as indicacións da autoridade sanitaria no caso de que o/a alumno/a conviva cunha persoa con diagnóstico positivo de Covid-19.

O alumno/a non poderán acudir ao centro ata que así llelo indiquen os servizos sanitarios.

A persoa afectada ou a súa familia comunicarán estas circunstancias ao Equipo Covid do centro.

En _____, a ____ de _____ de 2021.

Saída do centro

A saída do centro será escalonada e para iso flexibilizaremos o horario da última hora, tal como recolle a normativa. Ás 14:05, un aviso sonoro indicará que debe baixar o alumnado do segundo andar, seguindo as indicacións de circulación que se lle trasladarán. Ás 14:10, outro aviso sonoro indicará que debe saír o alumnado do primeiro andar e da planta baixa. O mesmo ocorrerá na xornada de tarde, cun timbre ás 18:05 e outro ás 18:10.

OS RECREOS

Haberá dous recreos de 20 minutos cada un.

Nos días de choiva o alumnado actuará con precaución, tendo en conta o espazo cuberto do que dispoñemos. Habilitaremos, ademais do patio cuberto, a sala de usos múltiples. Só se poderá comer fóra, aumentando, ao facelo, a distancia de seguridade, pois estaremos sen máscara.



A CIRCULACIÓN NO CENTRO





Haberá dous carriles de circulación nos corredores, nos que usaremos o da nosa dereita. Unha das escaleiras será só de subida e a outra só de baixada. Na circulación polo centro tamén debemos manter a distancia de seguridade. Os espazos de uso colectivo teñen un aforo máximo. No caso dos aseos, o número máximo será de dúas persoas. No caso de estar ocupado, deberán agardar nunha fila, respectando a distancia de seguridade, que estará sinalizada mediante puntos no chan. O mesmo sucederá na conserxería, onde haberá unha banda que delimite o carril de entrada e o de saída. A fila para a conserxería estará xunto á parede, na dirección da sala do profesorado. O alumnado fará a desinfección de mans ao entrar.



LIMPEZA DO CENTRO

Todas as medidas que debemos poñer en marcha este curso implican, por parte de todos os integrantes da nosa comunidade educativa, unha especial atención ao coidado e á limpeza do espazo que usamos.

Teremos en conta a necesidade de desinfectar o material que vaia ser compartido, antes e despois do seu uso.

Todas as aulas dispoñen de papeleiras de pedal e de dotación de panos e de xel hidroalcohólico.

Os baños e as zonas de maior uso serán limpadas varias veces ao día.





A RELACIÓN COAS FAMILIAS

A relación das titoras e titores coas familias será preferentemente a través de medios telemáticos (principalmente, a través de correo electrónico).

Os outros medios de comunicación habitual serán a nosa páxina web, a aplicación abalarMobil, de carácter oficial, e o correo corporativo do centro: ies.val.minor@edu.xunta.gal

